

吳興金石記

吳興金石記卷九

歸安陸心源伯剛甫纂

宋

顧渚山韓允寅等題名

石存

王軒鄭□

會稽韓允寅武林錢孜桐江方釋之攜男迅縮以紹  
興壬午三月辛酉來

〔兩浙金石志〕右題名六行行五字正書左行字徑  
三寸在長興縣顧渚明月峽中摩崖距唐楊漢公  
題名數步方釋之曾任縣令見邑志選官表據此

知其籍貫並任事已在紹興末年矣

按拓本高二尺廣二尺六寸會稽至迅紹四行字  
逕三寸以紹興壬午至辛酉來十字爲二行逕二  
寸比前低一字首行之前有王軒鄭口二人名爲  
二行字逕一寸則兩浙金石志及府縣志所未收  
者

烏回山密嚴禪院碑 未見

武康疏志在前殿豐草間爲風雨所剝文字泯滅  
惟存紹興七年邢孝揚立數字

報恩光孝禪寺賜田免稅公據碑 石存

上截

上缺外姚缺申令□湖州缺申依□□親往□缺得

報恩□缺古跡□係是田因爲□□缺姚大口沈□

□□包□□□白缺其田□西南□□並係官缺委

無□缺清等各甘立賞缺報恩□□□即□係礙□

□□去缺指揮施行所據申述□□□□會施行省

上缺中待□施行去訖須至指揮

右曉示僧慧智仰詳此知委

紹興三十一年九月十九日

□□指揮缺住□時偕行□修如官田撥賜不足請

缺

田宅山林并將□□到將造錢□買補□本寺於

紹興十九年內

缺

田伍□柒拾伍畝申明本州□□

給勝約束□□依

缺

後來至紹興二十三年內因□

下人侵占蘋湖及楊

缺

水去起毀拆□特□官一例

得新圖

缺

侍郎□不受理□□掘之肆百玖拾□畝

不當遂經

缺

委是本寺買置姚大成□古跡田畝並

無

缺 本州備申

缺

本部□□轉運司究實□本司下

秀州委□鹽縣丞陳

缺

定一同並無諸般違礙□畫

田圖保叻

上泐

本司保明□申

缺

指定合如何施

行□□□運幹已收□□秀州元委□官定

缺

溺不

爲□□申發改正再□缺下浙西提舉司使仰□見

當來本寺□出有無□缺保明□狀申 提舉司行

下湖州缺證定委□古跡祖產田卽不礙缺礙官□

保明□□蒙本州備申缺湖州及提舉司仰□提

舉司所申□正結絕重念慧智缺理□□今年□

□了絕缺侍郎□□定□理特賜造絕切慮本州

□□行人吏尙有□□不爲依公卽行缺改正給還

□□本寺無以照□須至再□□□缺詳□所□

事理特賜缺已符事理出給照據收執歸寺永遠□

□遵守庶使常住得以安存僧缺

第三截

行在尙書戶部

據湖州報恩光孝禪寺知事僧缺奉

聖旨專以追

崇徽宗皇帝缺

十三年十二月一日

口天下州軍

各賜寺額以缺

各給口口口田口拾頃充常住供眾

缺所賜田土並與充給二稅及免納役錢諸般差遣

改賜天甯政和七年七月九日續降指揮如官田口

賜不足許各戶捨施田宅山林如不足後有收到戶

絕沒官等田逐旋撥入本寺又不足卽令本寺持緣

化修造錢收買口拾頃之口戶部看詳指揮應諸路

州軍崇甯寺觀所賜田土並與免稅口坐指揮狀後  
批勸會崇甯四年十一月六日指揮天甯寺觀所賜  
田並無限定數目其本寺觀田土不以多少但係所  
賜之數並各依上件指揮放免及崇甯四年二月八  
日指揮許免納役錢當年五月二十五日奉 聖旨

據捨施在崇甯寺觀田土頃畝與免納役錢諸路口

此紹興七年四月十三日恭奉 聖旨改賜今額專

一 道崇 徽宗皇帝香火紹興九年八月二十九日

三省同奉 聖旨諸路報恩光孝寺觀不許狗占安

下及不得口寄仍免非時口借抑配搔擾紹興十六



年正月二十八日奉 聖旨□部□行□坐條法指  
揮卽與其他寺院不同仍監司守宰常切檢察免致  
違戾切念本寺承受遵 缺 恤今五十餘年蠲免常住  
不當送納二稅因經界均出苗稅本寺具因依陳理  
蒙歸□□□會平江府□常熟縣檢□回文□□鄉  
司沈元等供□□本府報恩光孝禪寺田產係在元  
降指揮拾□數內所有□稅及□抑配□從前及經  
界不□□□蒙本縣□諸鄉書平□到本寺撥賜田  
場貳伯陸拾來□并續置到田止紹興十九年內方  
□及元額於□所紹興二十三年故知州王侍郎□

同掘□肆伯玖拾參畝累經監司及本州□證保明  
□□卽無違礙已蒙本部特賜結絕符下本州及提  
舉司□應結絕改正外重念本寺於□年四月內□  
被本縣人吏沈允成到來乞覓不從輒有違背 聖  
旨□帶人戶由州稱本寺二稅不納致本州□□係  
知事□□住持師本錄白指揮并本縣元結免稅公  
據具狀同僧眾□本州陳理不明知府董侍郎嫌疑  
住持師本更不容雪訴便將住持師本□頃抑勒立  
便監納紹興二十九年并三十年夏稅絹捌疋叁丈  
有零本縣今年准前追催苗稅役錢科配不住搔擾

以致師本退除前去僧□星散事□□抑因此敗壞  
寺院有□有人不便從此本州及轉運司陳狀乞照  
應□降指揮依除蠲免今來亦是不住追催無田斷  
絕不免錄白歸安縣元給免稅公據并臨安府報恩  
寺紹興二十七年轉運司給府公據□例於九月二  
十六日經尙書戶部陳乞□照累降指揮行下轉運  
司□臨安府報恩寺□例出給公據□□□免蒙判  
部侍郎明察特□台判行下湖州照會及符轉運司  
詳狀施行且慧智具狀陳乞依省部已符事理照應  
臨安府報恩寺□例出給公據歸寺蠲免以憑遵守

○台到具呈卽行契勘今來僧慧智陳乞依崇甯年  
中到降指改本司送簽廳檢坐紹興九年內指揮寺  
觀田○並依○  
○條法輪納所有臨安府報恩寺係  
有紹興二十七年○降指揮○  
○不同乞下○  
○及○省內事理施行○  
○本寺○  
○指揮免納二  
稅明文卽與其他寺院不同今來轉運司簽廳○承  
行人吏更不服應○降指揮○  
○例檢坐紹興九年○  
行指揮行下湖州伏念本寺○  
○四年至紹興三  
十年依元降指揮○  
○納旣紹興九年指揮卽不  
○改諸  
銀行人吏觀望請求故作泛濫滅裂○  
同檢

坐口行指揮行下本州缺臨安府報恩寺乞依崇甯

四年十一月七日指揮係諸路報恩寺口例省部符

湖州嚴州口州取索口降指揮貢口口詳本遵副上

殿面奉 聖旨依口口四年指揮與免口拾頃二

稅體例一同兼湖州係本路所屬去處合依元降指

揮蠲免卽不是今來口外口乞目合體朝廷崇奉

徽宗皇帝香火合行依例蠲免切緣本州今來不住

追催搔擾事理切害不免再抱狀告投伏乞台慈詳

酌所陳事理特賜台判指揮從本部檢坐勘當行下

湖州依條蠲免施行伏候台旨省部除已符兩浙運

司仰詳今來本人狀詞及已符事理照應見行條法  
指揮施行并符湖州照會外須至指揮

紹興重修常平免役令 諸崇奉 聖祖及 廟祖

宗神御陵寢觀寺免投錢勿輸

紹興二十七年十一月二日勅中書門下省尙書省  
送至右朝議大夫直秘閣權兩浙路計度轉運副使  
臣李邦獻奏近有本司職事於今月四日上殿奏陳  
而奉聖旨報恩光孝禪寺元撥賜田壹拾頃合依  
元降指揮與免二稅口除已恭依 聖旨指揮施行  
外依條合行奏審伏候 聖旨十一月二日 聖旨

依已除指揮

第三截

歸安縣

准 使引近准 行在尙書戶部符口浙西常平司  
申准戶部符准都省批下湖州報恩光孝禪寺知事  
僧慧智狀昨奉 聖旨指揮就本州撥田拾頃充常  
住供僧焚修當時只撥得官田貳伯餘畝自後無田  
可撥於紹興十九年內將緣化口修造錢置買到嚴  
逕村姚大成等古迹祖產伍伯柒拾餘畝以爲見堪  
岸坦損重行修整布種卻被湖州王侍郎作侵占口

湖新開成田口礙蓄水於內掘毀肆伯玖拾畝已節  
次經州陳訴蒙委官看定證定供申戶部乞行改正  
垂蒙符下轉運司委海鹽陳縣丞究實卽非口湖回  
申轉運司被運幹廳人吏不爲申發遂進狀及經都  
省陳理批送戶部詳狀本部曉示上件事係承指揮  
毀折旣見得不合毀折因何當時不便陳乞改正直  
至毀折了當經隔年歲方行陳乞顯有違礙檢口條  
法指揮行轉運司遵依見行條法指揮施行告示知  
委口況本寺爲從王侍郎脇勢抑勒毀折其田卽時  
陳訴不肯披覽卽非不行卽時陳乞等事符本司仰



取見當來本寺口田有無礙蓄蓄水去處及於本處  
有無妨礙子細契勘保明文狀供申遂牒湖州請詳  
省符備據本寺僧慧智所陳事理疾速委官前去相  
視當來掘毀圍田委的有無礙蓄蓄水去處及於本  
處有無妨礙取見詣實係一子細契勘具狀保明供  
申今據湖州申州司遂送委歸安縣尉依應相口口  
據右從政郎歸安縣主口學事榮弗申依稟躬親往  
詣地所追集地分父宿保正田隣上彥清等出官對  
眾相視上彥清等委證得報恩寺元置姚奉禮等  
田參頃數內掘毀貳圍約肆伯玖拾口畝古跡元係

是田因爲墜岸坍塌損荒白田畝在保係報恩寺於紹興十九年內將錢置買姚大成沈教授等宅前項荒白田畝後來本寺增口泥土修整舊來墜岸施工布種充常住其田東西南口至係官民戶常口田產及北至運河官橋通口去處卽不口是口蓄水去處及於本處委無妨礙并民田去處並不關絕水勢妨害違礙等事件如所供不實虛妄彥清等各甘立賞錢壹佰貫文入官仍甘利罪文狀入案外人相視得報恩寺口田卽不保口諸蓄水去處及於本處亦無口口口保明諸口申口指揮施行州司契勘報恩光

孝禪寺上件曰係屬歸安縣管下至奉 台判□□  
樹盡□申今據歸安縣尉并打畫到圖子□□□具  
取呈奉 台判照行下押到下縣伸詳 省符□旨  
揮依 提舉司所申結絕施行縣司又據本寺僧慧  
智陳乞出給公據爲照奉 判案呈給縣司又據僧  
慧智錄到戶部免稅前後指揮具錄在前須至行遣  
右除已關鄉照會更不起稅外今出給公據付報  
恩光孝禪寺仰照詳備去使引內指揮收執照

紹興 下缺

第四截

歸安縣

據報恩光孝禪寺知事僧慧智狀本寺係 徽宗皇

帝香火道口昨奉 聖旨指揮就本州撥賜口官田

壹拾頃充供口僧行如官口口不足口將人口口施

緣化口置於缺紹興十九年內缺古跡口田伍伯口

口口畝數內肆伯玖拾畝至紹興二十三年軍官侵

占蘋湖口楊缺蓄水勢毀折聞其時口口口王侍郎

脇勢吏不口理抑勒口同一缺第紹本州陳理蒙下

所屬定驗委官覆口口是本寺將錢置缺田段別無

違礙保明言實回申口本州保明備申 省部蒙本

部符下轉運司再行究實委□□州海鹽□陳□□  
□到地所相視追集父宿耆保保明供證一同並無  
違礙打畫田圍圖子保明□□轉運司保明回申  
省部再蒙符下指定合作如何施行□委缺問因  
人吏觀望遷延□都省及登聞檢院進狀蒙降付  
都省下戶部詳狀施行本部行下浙西提舉司缺  
本寺圍田有□□□水去處有無妨礙子細契勘保  
明文狀蒙提舉行下本州□委歸安□縣尉相□追  
集父老田□保甲重立罪□證定委□古迹田缺蓄  
水去處并□田並不□絕水□等事官吏保明詣實

申口第申 上可得 省部行下本州及提舉司結  
口前知府陳吏部台判照行下本縣及尉司照行改  
正外口實再具前口口口陳乞已蒙本縣出給公據  
文勝付本寺照證重行修整埃岸充常住今來轉運  
司承准 指揮毀掘口口園田有口口塞水 去處  
合行毀掘今來已 判縣朝議知丞朝議親到田所  
相視追集父老口口耆保對口證 缺 罪及將本寺元  
蒙 省部曉示并執狀抱照得前後 省部節次委  
監司口口事理結絕一宗文字本寺上件田委係姚  
奉禮等宅古跡產田卽不是壅塞妨礙水口去處不

合毀折已蒙保明具申今錄白元蒙 省部執狀并  
曉示於四月十五日經 都運行衙投判蒙備錄行  
下本州牒 缺 如狀詞不虛已不礙水勢具狀保明申  
依 指揮不得口先具承受知口狀申乞出給公據  
文榜付本寺收執永遠以口崇奉香火安存僧行縣  
司契勘口口 口運行衙牒承降 聖旨指揮施行  
州縣相視根括新口成田如委實有口水勢卽行口  
口及根括到本縣有重口已折圍田折圍數內貳口  
其肆伯玖拾畝在松亭鄉十八都口口村利口橋南  
坐落係報恩光孝寺田據保正長田口父宿丘仲等

及本寺知事僧慧智狀實到元承 戶部告示并執  
狀委證共田元係姚奉禮等古跡產因墜岸坍塌荒  
田在保經界作草□□量後係報恩寺於紹興十九  
年內將錢置買增□紹興二十四年內因軍官侵占  
蘋湖及楊少傳□草蕩圍□成田礙蓄水勢□同折  
毀績係僧慧智節次經□部□□陳理蒙□本縣尉  
榮文林及秀州海鹽縣陳縣丞并黃運幹定驗并於  
戶部投狀□行□□目人委實不□壅塞水勢去處  
俱由 □□行衙續 □使行衙帖契勘報恩寺田

缺  
奉 台判



下截

軍州

法司供呈准 行在都進奏院牒及 提刑提□□

□衙牒准 行在缺日已□□隆興元年十月六日

勅中書門下省缺宣賜 御書御□之類或缺臣

□里之家无功德院多方陳請劃降□□數指揮曾

不知寺觀之大者比民間中下之家不啻數百戶其

田產之科數及□買預借折□之類悉行蠲免及將

州縣科數書縣士民□使民受困不勝大恩□切懇

前後條法該載如內外□□有額寺院充□寺□德

院口行集止口大觀三年指揮也今後臣僚陳乞墳  
寺並依 祖宗法此紹興六年指揮也諸寺觀田產  
不得免稅租夫役折口等寺事此紹興賦役令也

朝廷成法非不著明今昔置而不問使前件甲令互  
委爲虛設臣愚欲望 聖慈特降 指揮應諸路寺

院宮觀除天慶觀報恩光孝寺係崇奉 祖宗外其

餘不以久近劃降指揮並不施行乞將寺觀物力與  
民間物力口同一例科數庶幾億兆之民實被均一  
之德仰副 陛下勤恤之誠天下幸甚取進止十月

一日三省同奉 聖旨除天慶報恩光孝寺觀外其

餘宮觀寺口今後並不免科數奉 勅如右牒到奉  
行前批十月七日辰時付戶司施行仍關禮部及今  
口去處今關請一依今來 勅命指揮施行仍關合  
屬去處牒州施行

右今出給公據付報恩光孝寺收執永遠為照不  
管  
損失

乾道二年 日給

右迪功郎縣尉主管學事吳 右迪功郎主簿主管  
學事黃 右承議郎知縣丞主管學事趙 右奉議  
郎知縣主管學事勸農事賜緋魚袋郭 口口節度

判官廳公事口

僧正司仰詳 省符內備坐勅命指揮口口符到

隆興二年

日下

右報恩光孝寺公據碑在府治北準提庵後園碑  
高六尺九寸廣三尺二寸書分五截上截每行三  
十一字第二截每行四十字第三截每行二十二  
字第四截每行三十二字下截每行十八字後附  
知縣郭銜名爲紹興間賜田免稅公據之文案準  
提庵卽宋之報恩光孝寺公據中所稱賜田拾頃  
并置買田伍百餘畝以崇奉徽宗香火奉勅悉行

獨免租稅吳興志云報恩光孝寺宋崇甯二年改  
爲崇甯萬壽寺紹興七年以崇奉徽宗香火賜報  
恩廣孝十二年改今名郭者郭遂良也見職官表  
吳元美曾爲湖州學官縣尉主管學事吳或卽元  
美李邦獻紹興二十六年浙江轉運副使見咸淳  
臨安志王侍郎未知何人時湖州本籍人未聞有  
王姓官侍郎者寄居之王質紹興三十年進士其  
時尚未有官王洋亦寓湖州宋史無傳曾否歷官  
侍郎亦無可考

之亭記

石佚

吳興志芝亭碑記左朝請大夫陳湯求撰爲其祖  
賢良都官公紀墓前產芝之瑞也

潯溪祇園寺莊田記

石佚文見吳興藝文補

吳興備志在烏程南潯鎮紹興二十一年立左朝  
奉郎簽書江陰軍判官廳公事賜緋魚袋丁昌朝  
撰右通直郎前福州懷安縣主管學事兼勸農公  
事練汝舟題額

徐孺子廟記

石佚

吳興志烏程縣東孺子山有孺子祠紹興中郡侯  
撤淫祠土人按圖經爲言祠得不廢二十二年晉

陵丞唐法爲記近又得古刻於水濱

玲瓏山葛魯卿等題名 未見

紹興癸卯葛魯卿林彥政劉無言莫彥平葉少蘊

**癸辛雜志**玲瓏山在卞山之陰有洞曰歸雲有張

謙中篆書於石梁闊三尺許橫繞兩石間名定心

石旁有杜牧之題名 見前又紹興癸卯葛魯卿等題

名

陳吏部修城記 石佚

**吳興志**紹興中知州事陳之茂撰刻石墨妙亭

重繪三禮圖記 石佚文見剡一止菴溪集

吳興志在州學劉一止撰關注書

石冢村青蓮院記石佚文見茗溪集

吳興志劉一止撰在歸安

柏山禪寺碑未見

武康疏志潤節趙衛王立橫置殿前畧存紹興年  
號在武康

伊川四箴石佚

德清陳志宋紹興中門人尹焞書朱晦菴識其後  
曰和靖先生喜爲人書此箴學者以其筆札之精  
相與襲藏以供博玩殊非先生所爲書之意也德



清縣尉潘景夔得此乃刻石而置之縣庠

李惠廟勅牒碑 石存

尙書省牒湖州德清縣李惠廟

禮部狀準都省付下兩浙路轉運司奏據湖州申據  
德清縣申據忠訓郎新差湖州排岸兼船場李陵等  
狀伏覩本縣永甯鄉新塘土地之神姓陸名載本吳  
人仕魏爲太子中庶子御史中丞其子政驃騎大將  
軍開府儀同三司舊有碑志歷久隳壞不存自後父  
老相傳且以大藏經中唐僧法琳辯正論所載名位  
爲證謹按北史陸通傳曾祖載從宋武帝平關中軍

勅宜賜孚惠廟爲額牒至准

勅故牒

隆興元年十二月 日牒

參知政事周押

尙書右僕射同中書門下平章事押

保義郎監潭州南嶽廟李作肅以乾道改元季秋望

日捨金建石

刊者葉光

兩浙金石志右碑牒文三列俱行書首列有禮部  
申狀三十二行正書下列牒尾另書建石年月及

刊者姓名三行亦正書在德清縣新市鎮碑前申  
狀言神之家世始末極爲詳盡後述靈異諸事雨  
陽之應疾疫之麻風波奉像而安盜賊尅期而獲  
其爲俎豆尸祝乞賜哀封宜矣洪筠軒頤煊云元  
和姓纂後周大司馬陸通云玩後晉侍中戴爲劉  
義真長史從宋武帝八關沒赫連生僑僑生政卽  
通父也戴載通用世次與北史同

案參知政事周者周葵也隆興元年六月周葵自  
兵部侍郎兼侍講遷大中大夫除參知政事見宰  
輔編年錄尙書右僕射同中書門下平章事者張

浚也是年十二月丁丑湯思退爲左僕射浚自樞密使授右僕射同平章事兼樞密使依前都督江淮軍馬見編年錄及宋史是年十二月丁巳朔丁丑爲二十一日浚于丁丑除此官則此牒之給當在十二月二十以後三十以前矣

程舍人魯公堂懷忠詞

石佚

吳興志在州治魯公堂隆興元年立

王炎雙溪集顏魯公知湖州作放生池池畔有魯公祠堂題曰懷忠北山程公嘗作楚詞一章刻石廡下其辭甚古

王狀元魯公堂三詩 石佚詩見王梅溪集

吳興志在魯公堂乾道四年立

趙直閣祠堂記

石佚文見仲并浮山集作趙公遠祠記

吳興志趙直閣祠堂記乾道中江都仲并撰唐琢  
立在魯公堂

貢院記 石佚

吳興志乾道三年知州事王十朋建大諫劉度撰  
狀元張孝祥書額司業芮煜書在州治

舞綃堂記 石佚

吳興志在墨妙亭乾道八年齊慶肖撰

湖州牧守題名碑 未見據舊拓本載

□ □ 缺

□ □ 缺

□ □ 缺

徐鐸 朝奉大夫元豐下缺崇甯元年二月 日下缺

王瑛 缺

王仲葵 朝議大夫直秘閣下缺二十九日下缺

盛□ □ □ 大夫□ □ 五年下缺

葛勝仲 缺

趙子漪 缺

葛勝仲 缺

方孟卿 缺

常同

紹興八年七月下缺元年三月 四日召赴下

周葵

紹興十二年下缺

□□ 缺

王會 □□大夫下缺

楊揆

紹興二十九年六月十二日下缺朝□大夫下

王師 □ 缺

以上第一列

呂希道

□□□□元豐八年下缺元祐二年下缺

唐炯

缺

元祐八年三月下缺  
元年七月初下

金中

缺

□□

之

缺

王□

缺

□棣

缺

沈□

缺

强良

□

缺

梁端

□

缺

王□

缺

王□

缺



王□□ 缺

朱勝非 缺

秦棣 缺

錢堪

紹興十七年十二月二十四日到任十八年八月下缺

郭城

四年五月十三日以下缺五月十一日下缺

董萃

撰到任至紹興三十一年下缺

王時升

以上第二列

林希

朝請大夫集賢殿修撰元祐二年八月二十八日十三年七月改朝奉大夫下缺

鍾浚

左朝請郎

豐稷 朝請郎下缺

呂嘉 中大夫崇甯元年下缺直學士下缺

吳細

章援

王倚 缺

盧襄 缺

□□ 缺

陳山義 缺

宇文時中 缺

□□ 振 缺

張宇 缺

趙口 缺

汪口 紹興二十二年下缺學士左朝奉大夫  
年四月十八日下缺

陳口茂 紹興下缺

王十朋 下缺

以上第三列

呂溫卿 承議郎元祐四年二月初二日下缺  
六年 初六日移知明州

王安上

蔣之口 下缺年七月二十三日下缺二十六日 赴  
闕

林口 缺

□ □ 缺

□ 康 □ 缺

韓 □ □ 缺

鄭 滋 缺

趙 子 □ 缺

李 □ 缺

陳 □ 崇 缺

秦 梓 缺

王 鉄 缺

周 奕 缺

李琳 缺

鄭作肅 紹興三十二年下缺

劉日 年四月二十五日下缺

以上第四列

兩浙金石志右碑四列正書剝蝕殆盡在湖州府署第一列十七人第二列十八人三四二列俱十七人所記牧守起元豐七年訖乾道四年按舊誌名有可補者盛下是瑜字王師下是心字之上是晁補字王下是澤字棣上是葉字沈下是鏘字蔣之下是幹字李下是光字趙下是漪字劉字下

是越字

教授廳壁題名記

石佚文見湖州府志

吳興志

清熙三年虞偉撰在州學

添差僉判廳記

石佚

吳興志

清熙中許開仲啟撰在州治

牧養遺棄嬰兒事目碑

石佚文見湖州府志

吳興志在湖州

德清縣廳壁記

石佚文見吳興藝文補

吳興藝文補

德清縣廳壁記清熙四年吳泳撰在

縣

德清增修學記 石佚

德清陳志宋道熙中縣尉張逸民撰并書在學

重脩社稷壇記 石佚

德清陳志宋道熙中縣尉張逸民撰刻置壇內在

德清

天甯寺題名 石佚

袁說東堂集湖州天甯寺有石曰卞山腳石上多

名公題識

東坡先生祠堂記 石佚

吳興志宋道熙八年蕭德藻撰胡南逢立石在魯

公堂

修永甯倉記

石佚

吳興志 清熙八年胡南逢建參議蕭德藻記在州

治

添差通判廳題名記

石佚文見談鑰吳興志

吳興志在郡廳側知州事陳之茂撰

無倦齋記

石佚

吳興志在郡廳側知州事陳之茂撰

安吉縣令題名記

石佚文見湖州府志

安吉縣志劉希仁撰在縣



男  
樹藩校字

吳興金石記卷十

歸安陸心源伯剛甫纂

宋

李衛公廟碑 石存

輔世忠烈王廟之記

王姓李氏諱靖字藥師京兆三原人也唐武德中輔  
公福據丹陽以叛詔王傅趙郡王孝恭東討臨

械料敵一戰而禽之高祖嘉歎以謂雖古韓白衛霍  
無以加安吉舊隸丹陽巨盜既平邑人感王之

德迺卽邑之西山塑像立祠奉祀惟謹歲或乾溢禱

於祠下雨暘輒應如響自唐距今已數百年趨

王之庭丐

王之庇者如祠之初也攷其賜額封

侯始于政和自侯而公始于隆興然

王封衛國

公見於生前矧鄭之管城舊亦有祠已封

王爵

故乾道五年邑之士民援是以有請者再焉按管城  
之祠載于 國朝會要其立也迺後魏賜僕射李

冲之陂因陂爲名而容臺異議執疑似之說以沮其  
請是時樞爲宰椽因討論而辨明之且因宋祁題

李衛公廟詩以爲據其詩曰斯人天挺傑賊膽畏膏  
盲其卒章曰血食雄京輔於今異姓王卽是以觀則

豈得以僕射李冲之祠爲疑哉

朝廷以樞言爲然且檢會

本朝祀典推崇有加

自建隆至大觀錫封

王爵已加忠烈今答靈

應宜以

輔世忠烈爲廟號

綸誥旣頒邑之稚童歡呼鼓

舞舉手加額以相慶幸於是

神之宏休愈久而

愈光矣樞欲備載頭未侈

上之賜揚

神之休且以慰邑人奉祀之勤懷此

有日會邑宰韋翌祈禱有應則具石來請曰願有記  
蓋其謁廟之初曾以潔己導民于正以要神之福福

是邑之民爲言繼而蠶麥垂成淫雨爲沴民方愁歎  
禱而澄霽秋稼旣實隣縣飛蝗忽集近境禱而退飛  
然則 神之所以福吾民與夫吏之所以感

神貺者其可無述乎竊謂生而有功於國沒而得祀  
於民歷世雖久使人敬事之不懈是必鍾靈稟秀卓  
然有異於人者能之如 王之豐功偉績磊落震

耀富貴壽考哀榮終始固有傳而見於逸史者有二  
事焉 王爲布衣時獻書西嶽詞氣凜然有憂天  
下之志如斬鯨鯢而清海嶽卷氛祲而闢山河讀之  
可以起義槩而激雄心至於射獵霍山投宿朱門又

有乘雲行雨之異太平廣記載之甚詳則前所謂鍾靈稟秀卓然有異於人者於此可見矣嗚呼王

之世祀也豈偶然哉豈偶然哉中大夫提舉江西太平興國宮安吉縣開國男食邑三百戶賜紫金魚袋沈樞記并書

清熙十年七月十一日承務郎知湖州安吉縣主管勸農公事韋翌篆額立石

兩浙金石志李靖事蹟具見唐書本傳侯王之號自建隆大觀已加忠烈此又加號輔世字耳文云安吉舊隸丹陽按方輿紀要隋平陳吳興郡屬蘇

州唐書地理志武德四年平李子通置湖州六年  
沒於輔公祏七年平復置治烏程是時輔公祏據  
丹陽安吉亦其陷縣也衛國公靖生前封地沒則  
連謚書之昭陵陪葬碑所書衛景武公是也湖錄  
又載烏程古山廟祀李靖公有唐吳道石碑是唐  
已祀之又辨正索靖廟卽李靖廟索爲祭之名木  
禮記蜡者索也周禮黨正國索鬼神之義可謂卓  
識用證子美十姨之訛矣

右碑連額高五尺九寸廣二尺九寸五分二十二  
行行二十九字正書額題輔世忠烈王廟記篆書

在安吉縣李王廟清熙十年七月立石碑述是年  
飛蝗集境案宋史五行志清熙十年六月蝗害稼  
與碑記合記又云禱而退飛則於安吉無恙沈樞  
字持要安吉人紹興十五年進士見談鑰吳興志  
初調彭澤丞二十七年以葉義問賜對首論君子  
小人之辨特改左宣教郎御史台主簿見繫年要  
錄二十八年擢監察御史見明一統志二十九年  
行比部員外郎三十年提舉福建茶鹽三十一年  
除考功郎中見三山志乾道六年遷福建轉運使  
見宋史全文淳熙己未除太子詹事兼禮部侍郎



二年坐分祈欺隱降三官筠州居住十二年知溫  
州見宋史葉衡傳陳止齋集後止湖南安撫使進  
寶文閣待制致仕卒年八十二謚憲敏見談志及  
攻媿集其爲中大夫提舉興國宮則他書所未見  
蓋在筠州居住以後未知溫州以前也中間更赦  
必有量移任便之旨而今不可考矣韋翌慶元中  
任英州通判

澄心橋題字 石佚

癸卯淳熙十年八月十五日重造

在長興縣澄心寺前

烏將軍廟記

石佚文見烏青文獻

烏青文獻莫淵撰  
清熙十四年丁未冬十二月十

八日

重建縣學碑記

石佚

吳興志  
清熙十五年邑巨室閩人觀國觀時遵其  
父武經君願命作大成殿奉先聖及先師十哲像  
揭徽宗皇帝御書殿額郡人蕭德藻記

脩湖澳記

石佚

吳興志  
在州治寶文閣直學士程大昌撰敷文閣  
待制沈樞書敷文閣待制賈選題蓋紹熙三年三

月建

安定先生遺像碑 石存

右安定胡先生像紹熙辛亥刻置湖學永嘉戴溪識  
右碑高五尺六寸廣三尺在安定書院案戴溪字  
少望宋史有傳不言教授湖州惟韋安居梅礪詩  
話有姚寅投戴岷隱分教詩教授廳壁題名記亦  
有其名

蘇軾墨妙亭記 石佚文見東坡集

吳興志墨妙亭記紹熙丁卯蔣燦書重刻

儀鳳橋石柱題名 石存

紹熙四年九月初六日朝請郎知湖州軍州事趙充夫建

皇伯太師安德軍節度使判大宗正事嗣秀王

口兄明州觀察使提舉佑神觀充秀安僖王園令兼本位檢口少保

幹緣道民湯彥宗湯道春朱道誠李道妙周智成沈道彥都料嚴口源

城居張九亭論天瑞同妻李氏居淨助緣直石柱壹同茲勝利叩報四恩三有謹誌

右題名凡五石第一行高六尺五寸廣五寸第二

行高六尺廣同第三行高六尺三寸廣同第四行  
高六尺四寸廣同第五行高三尺三寸廣同字選  
二寸案嗣秀王者趙伯圭也兼圍令者趙師撥也  
樓鑰攻媿集趙伯圭行狀伯圭字禹錫本貫玉牒  
所在湖州有私第卒葬烏程淳熙三年以朝奉大  
夫授安德軍節度使紹熙元年三月加太保嗣秀  
王二年六月判大宗正事三年六月拜太師子十  
人次子師撥檢校少保奉國軍節度使提舉佑神  
觀兼秀安僖王園令趙充夫字可大鉛山人魏悼  
王七世孫本名達夫字兼善孝宗爲更其名充夫

並易字焉寓居信州之鉛山以蔭補官爲永福簿  
調太和丞知宜興縣新喻縣通判湖州知汀州知  
嘉興紹熙四年以朝請郎知湖州吳興上供歲額  
百十五萬而累改至百餘萬版曹督索無虛月充  
夫奏蠲之人情懽然累官淮東提舉官至龍圖閣  
致仕著有東山詩集謝事十三年嘉定十一年卒  
年八十五見袁絜齋集趙公墓誌

谷橋題字

石存

杭州路東山壽聖寺上柏驛□戊戌□重修

都勸緣張安撫宅同幹□□邵聰沈政范智□□於

慶元四年歲次戊午三月戊戌朔十五日壬子募眾  
重新建立

右在上柏園覺山下

卽雅籠山橋上隸書

南園記 石佚

吳興志在定安門內橫塘向來沮洳篁隔僅有慈  
感寺吏部侍郎萬鍾家世錢塘自爲司農卿時卜  
宅於橫塘之上開拓浸廣號曰南園臺閣亭榭四  
時花卉俱富爲諸園之冠慶元二年煥章閣學士  
洪邁爲之記

重建獅子吼寺記 石佚

吳興志慶元二年編修沈瀛撰在歸安

橫洋土地廟碑

石佚

吳興志編修沈瀛撰在歸安

駱駝橋石柱題字

石存

太傅永興軍節度使充萬壽觀使平原郡王韓侂胄  
朝奉大夫權知湖州軍州兼管內勸農事李景和

文林郎湖州烏程縣丞措置趙善瀆

昔嘉泰元年歲在辛酉四月己卯朔十六日癸巳幹  
緣道人湯彥宗□□□題

右駱駝橋石柱題字四行凡四石拓本高四尺六



寸廣四寸字徑四寸李景和慶元五年七月以朝  
奉大夫到任嘉泰元年三月准省劄赴行在在任  
時嘗以舊學窄狹每遇科舉旋搭簾屋有風雨之  
虞于銅官廟後拓地添建屋二十五間皆見吳興  
志蓋亦時之能吏也趙善濂太宗子漢王元佐六  
世孫字養直居臨海淳熙二年進士見宋史宗室  
表及嘉定赤城志

靈濟王廟記

石佚

吳興志在州治子城西北靈濟廟建中靖國中焦

絡撰

善山常照院敕牒碑石存

尚書省牒

湖州烏程縣善山常照院

牒奉

勅可賜常照禪院爲額牒至準

勅故牒

嘉泰四年七月 日牒

參知政事張押

參知政事費押

右丞相押

兩浙金石志右牒正書七行在烏程縣菁山常照  
寺宋建炎中僧梵隆建號無住蘭若紹興壬戌高  
宗召至內殿恩遇殊渥舊誌誤作乾道三年賜額  
當以此刻正之

案參知政事張者張孝伯也參知政事費者費士  
寅也右丞相者陳自強也嘉泰三年十月癸卯費  
士寅自簽書樞密院事除參知政事張孝伯自華  
文閣學士除參知政事自強自知樞密除右丞相  
皆見宰輔編年錄孝伯字伯于厯陽人費士寅宋  
史無傳據龍華題名則四川廣都人也

黃龍洞王炎題名 石存

嘉定元年夏

新安王炎禱

雨再至

右拓本高一尺四寸廣一尺三寸正書字徑三寸  
案王炎字晦叔歙州婺源人乾道五年進士歷吳  
興郡王教授開禧三年以朝奉大夫知湖州是年  
夏秋久旱百姓絕糧多掘野葛食糟粕炎上書執  
政乞撥米賑濟又上書宰執求免湖州造鐵甲其  
惠政甚多至嘉定二年罷任見談鑰吳興志雙溪

集胡升撰王大監傳嘉定元年史但稱江浙大蝗  
浙民疫不言旱考蝗疫每與旱連史不言旱者畧  
也題云再至開禧三年之旱必先有題名今不得  
見耳此刻兩浙金石志新舊湖州府志烏程縣志  
金井志皆未收

白玉蟾黃龍洞題字

石存

林屋別竇 神霄散吏

右拓本高一尺七寸廣五寸八分正書字徑三寸  
八分旁署款字字徑一寸五分案白玉蟾姓葛名  
長庚福州閩清人生于瓊州冒白姓遇泥丸真人

陳翠虛攜入羅浮遍遊名山封紫清明道真人嘉定末詔徵赴闕一日不知所往自號海瓊子或曰海南翁或號瓊山道人或號蠙菴或號武夷散人或號神霄散吏隨身無片紙落筆滿四方大字草書視之若龍蛇飛動兼善篆隸見武夷山志唐順之左編此題神霄散吏其爲白玉蟾書無疑也

賜顯應廟額尙書省牒

石佚文見祠山事要

嘉定二年三月

祠山事要指掌集輔德助順廣福忠正王姓李諱祿安吉州長興縣童莊人正廟在長興顯靈爲祠

山神屬久矣舊呼大尉後封威濟侯今取到長興

正廟碑文備錄於後

重修廟學產瑞芝記 石佚文見顧志

〔長興顧志〕嘉定辛巳陳壁撰在長興

沙溪二王廟碑 石佚文見武康縣疏志

〔武康疏志〕張文苾撰嘉定辛酉勒石在武康縣北

獨蒼山麓

常照寺斷碑 石佚

〔茗記〕菁山之常照寺碑刻甚多僧梵隆至叶師徒並受知高孝二宗嘗有御書白金之賜及修建賜

田并諸冠蓋游覽吟咏皆刻之石近皆斷仆荒草  
殘蝕不全唯高宗所書天申金剛無量等字碑并  
勅書一碑完存而塵土蒙翳於圮屋中不敢視旁  
一小碑可看上有詩云道人唯恐不山深莫問人  
間昔與今兀坐蒲團了無事夜深只聽古松吟其  
後云右少保相公兄游菁山作弟師岳師彌姪希  
閔弟燈從行師岳書行書方二寸許清潤不俗下  
又一小碑亦行書而小半之前後皆塵蘇昏蝕不  
能刷看唯中間方外之士相與周旋焉若謝安石  
之有許邁王逸少之有支遁陶淵明之有慧遠謝



康樂之有慧琳雖其所以取之者云云僅可見又  
西北小碑在天申御書之石上細字數行云太上  
皇帝聖旨御書佛語一件令賜叶山主八月初十  
日恭承太上皇帝銀一百兩賜叶山主守等回奏  
進呈認其建寺記一通乃宋何澹撰又御書昭回  
閣一通倪思撰二文俱可觀得之別見其碑竟無  
尋處

接待懺院公據碑

石存

□烏程□□澤鄉南林□□□僧宗偉狀竊見南  
林一境係平江嘉興諸州商旅所聚水陸衝要之

乃衲子雲遊去□□諸檀越募緣創立屋宇數

□□建置佛像今粗圓備專一行道爲

下空九格

國焚修延□□今欲照本州東門接待院及迎禧門外半塘接待院等處體例乞出分據并版榜印記付本院收□□接待雲遊去□乞送案照例出給□據印記版榜張掛施行庶得僧行安業熏修永報

下空三格

恩德奉□郡提舉台判須至給據者

右今出給公據付烏程縣震澤鄉南林接待懺院仰

收執照證嘉定十一年四月

湖州之印日給

儒林郎觀察支使李 承事郎簽書節度判官廳事

趙

朝請郎通判軍州兼管內勸農事單 朝請郎權知

軍州兼管內勸農事趙

嘉定十三年歲次庚辰九月十日口口持僧 宗

偉立石 本院口第口 妙通 妙達 烏鎮吳洪

刊

孫履元跋接待院不知其所自按癸辛雜識續集  
杭之北門接待寺寺額乃吳傅朋書勅賜妙行之  
院府志烏鎮天台廣福院宋慶曆二年建致和中

改爲接待院元至正中改今額又接待寺在府城東迎春門外每歲郡守迎春率僚屬宴集接待院大率爲接待雲遊衲子之所旣得賜額然後以所賜額名其寺此碑所謂接待懺院卽報國寺是也報國寺爲宋僧宗偉開山宗偉於開禧間來南林始結草菴居焉繼得眉山楊公之助創立屋宇建置佛像已粗圓備然斯時猶未得報國寺額故第稱爲接待懺院也東門半塘兩接待院公據已無可考賴此碑巍然獨存猶可見當時公據體式碑後題銜儒林郎觀察支使李與承事郎簽書節度

判官廳公事趙其名字皆莫考簽書節度判官廳  
公事者雲麓漫鈔云諸道判官資歷未至第日簽  
書某軍節度判官廳公事是也朝請郎通判覃州  
兼管內勸農事單者府志州縣表有德清縣單端  
士慶元七年任與此相距十七年疑端士始知德  
清縣後復通判湖州如朱希顏亦於雷宗時知歸  
安縣尋又通判湖州也朝請郎權知軍州兼管內  
勸農事趙者郡守表有趙善湘字清臣濶安懿王  
五世孫嘉定十年十月以朝請郎到任當卽其人  
至十一年四月丁憂去代之者爲陳汶於五月到

任公據給於四月故猶題趙善湘銜

右碑高三尺六寸廣二尺字逕四五分第八九兩  
行字逕五六寸至一寸五六分不等正書嘉定十  
一年給據十三年立石在烏程縣南潯鎮南柵報  
國寺山門西側趙善湘字清臣宋史四百十三有  
傳首行烏程二字一境上南林二字銜要下之地  
內祕四字第二行十字第三行國焚修三字今欲  
照三字迎禧二字印記付三字第四行收字接待  
雲遊去五字乞字給字據字第五行提字台字第  
六行仰字第八行下截簽書節度判官六字公字

兩浙金石志皆缺單字从尖口字書所無高彥休  
唐闕史載進士單長鳴謂單从尖口音丹从方口  
音善亦俗作也

接待懺院公據碑陰

密公山主捨田園記

額四行行二字字  
徑一寸七八分

南林報國寺

本寺伏承烏程

缺

灣餘慶庵

缺

震

缺

置到

缺

承

缺

無

口之利遇

缺

祖考

缺

追嚴及

缺

界

缺

忌辰

口刻

缺

成

規嚴與修口毋致更易

缺

關請時思庵法眷僧眾拈

香口明庶幾圓滿願心不昧因果者

鞏平改元二月 日監寺僧廣宣立石

勤舊 淨月 淨明

頭首 廣口 口達

知事 行清 德暉

開山住持 宗偉 以上第一層

一 錢 太安 缺 一會 缺 檀 缺 食 缺 文 缺 者 缺 一三月 缺

考社 口念一承事忌 缺 一 缺 設位供養 缺 陳氏六口

娘子 缺 設位供養 口口堂供飲食 缺 羹飲 缺 每僧 缺

行 缺

右具如前



缺

日監寺僧

廣宣

以上第二層

缺 伍 缺 宅 缺

報國寺收

缺 口定五年七月

缺 貫式伯

缺

拾肆步潭壹伯式拾

缺 開具分

缺

缺

日監寺僧

具

以上第三層

孫履元跋密公山主疑本鎮人而出家于餘慶庵

者因以田園捨本鎮報國寺而報國寺僧爲其俗

家修齋供以資其祖考冥福也勞鉞府志餘慶庵

在烏程縣東北四十里時思庵則在縣東瓜溪

永靈廟加封記

原石佚重刻本存文不錄

仙潭文獻嘉泰三年五月陳夔撰在德清

永靈廟加封勅牒碑石存

勅湖州德清縣新市鎮永靈廟顯佑侯朕自卽位以來脩崇祀典凡有功德於民者錫號加爵唯恐其後況爾神廟食一方曰雨曰暘隨禱輒應部使者順民之請以狀來上茲用中加二字以烜赫厥靈其益彰顯惠民亦永永不享可特封顯佑通應侯

奉

勅如右牒至奉行

慶元二年八月日

告顯佑通應侯奉

勅如右符至奉行

慶元二年八月

右丞相鏜

參知政事深甫

參知政事澹

兼給

事中及之

中書舍人之璋

八月十二日午時都事任元中受

左司郎中鄭公

付吏部

右丞相鏜

參知政事深甫

參知政事澹

權吏

部 尙書及之

吏部侍郎象祖

當鎮西社長屋保朱興邦男將仕郎佐次男

儀媳

婦孫男女家眷等施財立石命□□□顯佑通應侯

并 協惠夫人

勅告姪進武副尉成遠篆額歲次 嘉定十六年

五月初九日謹題 禦溪周厚刊

〔兩浙金石志〕右碑四列上三列勅文後書京鏗等  
銜名十二行下列勅文四行後另記刊石年月蓋  
自慶元二年加封後至嘉定十六年立碑相隔已  
二十六七年矣明沈戩毅永靈西廟記謂此年有  
封神妻協惠夫人事觀此可證其非惠利字加于  
端平不當先有協惠也

案右丞相鏗者京鏗也慶元二年自知樞密院事

遷正議大夫除左丞相參知政事深甫者謝深甫也五年八月丁亥自簽書樞密事除參知政事參知政事澹者何澹也澹于五年八月丁亥自御史中丞除同知樞密院事皆見宰輔編年錄兼給事中及之者許及之也及之于慶元四年五月自吏部尙書除同知樞密院事則二年爲吏部尙書與碑合吏部侍郎象祖者錢象祖也台州人尋遷吏部尙書宋史有傳鏗字仲遠隆興人深甫字子肅台州人澹字自然處州人及之字深甫永嘉人宋史皆有傳

德清縣重修學記 石佚

德清陳志 宋嘉定中知縣趙伯搏撰刻置學中

德清縣學廳士田碑 石佚

德清陳志 宋嘉定中知縣黃耕撰立石在學

義莊賑濟田碑 石佚

德清陳志 宋嘉定中知縣黃耕撰立石在縣

何氏讀書堂記 石佚文見汪藻浮溪集

吳興志碑在烏程何山寺汪藻記

葛仙翁祠堂碑 石佚

吳興志在歸安普照院葛立方記

真武畫像碑 石佚

吳興志在烏程佑聖宮丞相沈該贊

勅封威濟侯碑 石佚文見湖州府志

祠山事要指掌集宋理宗封湖州府長興縣顯應

廟之神威濟侯勅在長興寶慶二年四月初二日

黃龍洞周弼題名 石存

紹定壬辰二月廿八

日汶陽周弼空相守

輝同游侍行僧宗仰

金井志按石壁諸刻俱大字然皆模糊剝落惟此

作小楷方不滿尺字絕精好

右拓本高一尺二寸廣七寸正書字徑一寸在黃龍洞案弼字伯弼汝陽人李龔序其詩稱與弼同寓里其人博聞強識好吟咏相與論詩三十餘年龔字仲甫笠澤人僑居烏程三匯是伯弼亦嘗寓湖其游道場山詩云欲把姓名書石上幾回拈筆未曾休或道場亦有題名今無考

三賢尹修學記

石佚文載長興顧志

顧應祥長興縣志  
紹定壬辰周子巖撰在長興

端石碁枰刻字

未見



有宋紹定辛卯六月既望刻石

雲溪隱口氏小蓬萊棊局

明嘉靖癸亥紀泉石改制

紀官重得石枰記稼庵董子之庭有石承簷溜久矣傍忽露文曰紀泉石董子偶詣余語及余驚喜曰此余五世祖也余祖泉石公生成宏以後海內晏安士大夫敦尚恬退或講學名山或園亭棊酒而我公得交一時之望至今出所藏筆墨想見古人董子曰必先世所假也異哉當歸子矣既以事未果辛未春余晚自茗來此石已置齋中燭而視

其文石背爲宋紹定四年而改製爲嘉靖癸亥也  
名曰小蓬萊碁局石質細潤刻畫亦工追憶我公  
訓子餘閒構樓三楹蓄琴書北窺洞庭西見溪塘  
帆葉庭下富卉木奇石諸名士觴詠自適鏗然落  
子處也余童子時尙覩遺址未幾而滄桑不可復  
問當時同遊諸公雲舒霞散而片石巋然獨存感  
而爲之記

報國寺告示碑

石存

行在尙書禮部

據兩浙轉運司申契勘本司近據安吉州烏程縣烏

鎮普淨寺管事人陳椿狀本寺昨因徒眾避免常住  
執□□□□□□庵本寺無僧焚修香火□經使司  
陳請得蒙給版榜坐簿付寺□定知庫次第□應因  
僧懷信住南林私庵不□□□□□本司□□僧人  
事頻數紊擾□府牒□□官詳狀本司備牒安吉州  
主管官詳狀具狀供申未到間□□尚書□□□□  
□安吉州烏程縣南林報國寺知事僧□暉狀訴烏  
鎮普淨寺警僧靜覺等爲見本□僧妙達等□披剝  
寄帳其寺□□□司平□□□德暉本寺老疾□妙  
達係指定輪當知庫買倩頑徒陳椿經運司妄作私

庵□許□判□下奔□□□囑□□□牒本縣□□  
□□奉□判證□陳符本州主管司如果隔越虛詞  
卽與從公究治施行□□□□□運司證□□□  
□本部除已節次□□□□□承直點計出家子□  
□四方大畧如行雲杯水□何定籍□可拘今報國  
寺僧□□□□□□雲游之比然向之庵舍□□

請下空三  
十五格

勅額爲報國寺矣寺必□□□亦輪坯充知□□  
□豈能又充普靜之役兼兩寺相去隔遠肆拾餘□  
普靜□□□□少何苦必欲妙達一人歸□□□

□□□□寺僧淨□□□□糾舉其它庵舍已爲□  
□之資妙達之徒適有□□□□者出而拒之不  
肯少從其所□□□□□□已文郁老□白合歸休  
林下□□淨覺□□□□謂□□□□□□係□□  
□乞嚴判令普靜每歲□□寺□中輪差知庫不得  
生事紊擾官府違追管事人斷□□□□□□□□  
□□□□□□□□知郡寶章書判甲乙寺院□□  
□□□僧丞承管幹俱爲把持計妙達雖係藉於普  
靜□□已隸於□國普靜□有簿□□□亦各得其  
志可也文郁年老不知死恃充住持妄有詞訴直經

省部必欲強妙達乞爲知庫遂□□漕臺□□□  
□□州追究其實不在料之使□□實在於騙乞之  
不從也況報國非私庵縱是庵舍亦合聽其自便□  
□擅行不□伍□□□正不必拘泥於此若文郁猶  
有後詞則是此寺不可主持卻與□作十方本州自  
□主盟一方香火□□振起妙達以□□不出官德  
暉以報國知事而來初亦无可究實者兩名並放併  
奏官牒□申 漕臺取指揮州司□□將僧德暉□  
□□□疎放外申乞照會本司判送簽廳據本司簽  
廳欲備申部取指揮所□具申

下空十  
八格

省部取目指揮施行申部乞指揮施行尋呈奉 判

呈除已具呈再奉

下空二  
十格

合判符從行須至符下安吉州口口外須至指揮

右告示僧德暉等詳此知委

紹定六年十一月

尙書禮  
部之印

日

端平元年九月

日監寺僧

德暉

住持僧

德偉 立石

孫履元跋兩浙轉運司據咸淳臨安志云太平興

國三年錢氏納土始置轉運使熙甯七年分浙東  
西爲兩浙路轉運使於杭州置司舊治在雙門之

北爲南北兩衙今徙於湧金門南爲轉運司其轉  
運司簽廳在本司內卽此碑所云本司判送簽廳  
本司簽廳欲備申部取指揮者也

右碑高三尺二寸廣一尺七寸文二十四行字逕  
五六分第一行字逕一寸第二十一行二十二行  
字逕八九分第二十三行字逕一寸尙書禮部之  
印方二寸六分紹定六年給示端平元年立石正  
書在烏程縣南潯鎮報國寺山門東側